

石琴廬詩集

談國禔署

第二冊



石琴廬詩賸卷三

瀋陽張之漢仙舫

雨鐙客草 豐沛故都星輝霞舉觀光橐筆遊

迹載淹聽雨一鐙望雲百里掇拾客草爲雨

鐙編

起辛丑
迄甲辰

亂後春回行經戰地馬上感成

戰野妖龍竄行春羸馬遙邊沙沈折戟邨月落空
瓢廢竈炊殘莖荒田茁亂苗鞭梢風似翦兵氣豈
全銷

禍水滔天劫腥風大地春草青回戰血月黑走陰

燐將略悲猿鶴兵機誤鬼神新亭收涕後鑄錯問
何人

陪京雜感 庚子變後越春至省作

故國花開傍戰場春鵑聲裏話滄桑哀情忍擬蘭
成賦遼北江南共夕陽

岐陽劫火弔蟲沙帝里重遊感物華依舊千門楊
柳色排雲宮闕繞春鴉

金革聲變管絃聲誰撫銅駝感舊京車馬六街人
似海劫灰叢裏話昇平

簇新閥閱敞朱闌
亂後衣冠有倖門
憶否延秋烏
夜噪達官屋底
賸鐙昏

八關四部列神壇
都市橫屍血未寒
劫運造成妖
燄熄殺機來去兩無端

踏月重尋舊學宮
髑髏曾挂講堂東
陰森心怖雙

槐影疑有冤魂嘯
晚風

書院古槐雙株拳匪踞
院爲壇殺人懸頭槐上

金穴銅山蕩劫塵
明珠衣徧窶兒身
牛衣犬幄殊
憂樂同是滄桑歷劫人

虜騎千羣石馬驚
珠襦愁煞瞰西僧
疲驢趣下亭

林拜風雨瀟瀟過二陵

客感

萬言書上濫才名磨劍十年笑未成
入世真同嚼蠟味臨淵久冷羨魚情
風塵湏洞鵬空盼雲路高寒鴈不
驚心鏡摩挲天可信升沈奚必問君平

詠史

一舸潔身泛五湖吳宮沼後越宮蕪
鑄金故國留遺像冷坐荒苔看鷓鴣

范蠡

授書黃石結奇緣辟穀赤松叩祕傳
興漢封留塵

土視一生出處兩神仙

張良

冤沈鐘室將壇荒豈爲功高召禍殃
論世中唐思百戰古槐祠宇拜汾陽

韓信

長門一賦價千金情重能回漢帝心
何自撫衷偏

薄倖文君愁煞白頭吟

司馬相如

纍纍印佩爛羊頭百戰何堪與僧侔
千古北平傳

射虎英名原在不封侯

李廣

細柳將軍自有真先皇嘉許嗣皇賔
棘門灞上俱

兒戲畢竟誰堪少主臣

周亞夫

白水從龍將相才勛名過眼總塵埃灘聲七里人

千古不信雲臺勝釣臺

嚴光

一生譎諫術原殊三竊蟠桃語太誣果作神仙應

辟穀如何飽死羨侏儒

東方朔

漫道才華即禍胎冥鴻天外任裊裊如何鸚鵡矜

文采偏向樊籠投翅來

禰衡

東南藩蔽拱皇唐曾射銀濤捍海塘獨惜三千飛

鐵弩曾無一矢向朱梁

錢鏐

送崇仲山九秋赴蒙荒

羨君萬里走邊沙
愧我拘墟類井鼃
何事臨歧翻羨我
閉門安坐對黃花

大漠驚沙撲馬頭
邊關風色冷氍毹
裘揚鞭莫漫嗟
行役飽看胡天萬里秋

躍馬呼鷹走健胡
荒山亂水合圍初
好將畫筆攜行篋

仲山
工畫

寫出秋原校獵圖

迢迢客夢車爲榻
獵獵邊風馬不羈
日暮思君何處宿
平沙百里見孤煙

古寺

敗壁落丹青山門冷未扃數傳僧已散萬劫佛無
靈雨蝕殘碑字風搖壞塔鈴村翁猶報賽香火到
空庭

古碑

歷盡恆沙劫巋然片石存神功刊不朽鬼斧斲無
痕書法推元祖銘詞辨外孫模糊非沒字全被蘚
花吞

古墓

終古喚不起下眠何代人長留一抔土永息百年

身帖閼蘭亭本香消玉匣塵松門傳挂劍高誼萬
千春

古戍

陰風吹鬼火飛上破城樓戰血千年碧寒花萬壘
秋疑兵餘草木斷鐵拾戈矛近世狼烽息歸耕劍
易牛

古琴

焦到枯桐尾長留不朽心羲文傳正始天地寄元
音鳳沼開何代龜山望至今獨彈同調少抱入老

松林

古劍

上下五千載難銘戰史功
一身盤利鈍萬手閱英雄
武庫新硎發神鋒破匣封
星文非黯淡光在斗牛中

庚子憶事五首
庚子之亂乘輿播遷變起

中朝禍延東省遼海間歷劫尤浩驚定思
痛紀以俚詞亦鄉邦一段痛史也

拳匪

萬派狂泉共飲來神壇高揭義旗開孩童忽有殺
人膽碩輔偏無戡亂才諫草株連臺省閉妖蓮蔓
繞禁城開黃池盜弄兵猶火板蕩中原此禍胎

教民

歸墨歸楊際末流無端殺運啟神州超生枉覓天
堂路救死難迴孽海舟赤族抄憐瓜蔓慘青燐飛
傍野花秋當年國憲分明記信教人民聽自由

敗兵

軍府蜩螗戰守和驀驚虜騎壓山河晉師左廣方

超乘牧野前徒竟倒戈雞犬千村驚劫火貔貅萬
帳捲頽波將軍馬革成虛願戰骨秋原恐未多

難民

太白星躔晝吐芒萬家浩劫兆天狼戎車田毀東
南畝民宅兵居上下牀一夜人聲成野哭千村虎
氣滅鎧光驚魂定後歸來日土銼無煙四壁荒

土寇

兵燹餘生患未紓歸來桑梓莽萑苻豈容郭況藏
金穴真向齊奴奪綠珠家有名姝皆禍水村憑大

盜作靈符可憐保險爭開局割肉供狼避鼠狐

秋柳

聽鷗曾訪陌頭春斗酒雙柑事已陳
葉葉西風歎搖落登樓愁煞畫眉人

秋草

荒寒碧色畫殘秋露冷芳皋動旅愁
獨有豪情降不得呼鷹躍馬到原頭

甲辰日俄戰綫橫亘遼北瀋南時
客省垣鄉音阻斷旅窗向夕涼雨送秋感事憂時慨

成二律

壁劍長鳴秋氣來
空堂疏雨溼莓苔
衝霄有象纏兵氣
戡亂無方愧霸才
敵砦木刊丘壘斷
故園花傍戰場開
逃生虎口家何在
魂黯天南鴈叫哀
風搖老樹灑秋霖
雲壓嚴城鎖夕陰
警枕沈雷飛劫火
敲窗寒雨碎鄉心
天狼燭地妖祲滿
鐵騎憑河戰血深
檐溜千繩鐙一穗
流民欲畫已沾襟

甲辰感事五首

鼾睡甯容卧榻旁
金甌猶是舊封疆
那堪跨海龍

興地竟作崩山虎鬪場萬壘雲連持鵲蚌千村煙
斷走豺狼甲兵淨洗知何日愁看銀河耿夜光
亂世離家計本疏故園田宅久荒蕪悔彈食客馮
驩鋏愁畫流民鄭俠圖大地無端生枳棘仙山何
處覓蓬壺茫茫浩劫神州徧鷄犬桃源事有無
飄零琴劍久離家鼙鼓聲中日又斜蠻觸兵連蝸
鬪角關河路斷虎磨牙亂時民命輕於葉冷夜鐙
光炮有花起踏星躔觀太白滿天兵象弔蟲沙
戰局如棋殺劫多一枰借我好山河投鞭竟許凌

天塹倒柄何堪授太阿失算北門虛筭鑰驚心東
亞徧干戈書生枉獻匡時策辛苦十年一劍磨
浪傳時勢造英雄忍看神州戰血紅八口流離千
壘外一身潦倒萬書中龍蜷俠氣空藏劍鳥顫驚
魂定怯弓報國持家兩辜負堂堂七尺愧儒躬

送曲乙盦明府之官山右

乙盦需次晉陽乞假歸里已有終焉之志
乃值日俄構兵家室毀爲戰壘虎口幸脫
馬首何之決意之官復尋宦夢於其臨別